

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ
01 հուլիսի 2016 թվականի**

**«Ուսանողության և աշխատողների ամառային հանգստի
կազմակերպման աշխատանքների ընթացքը Դիլիջանի
«Տնտեսագետ» մարզաառողջարանում» հարցի մասին**

Լսելով և քննարկելով «Ուսանողության և աշխատողների ամառային հանգստի կազմակերպման աշխատանքների ընթացքը Դիլիջանի «Տնտեսագետ» մարզաառողջարանում» հարցը (գեկուցող՝ ուսանողների և շրջանավարտների հետ աշխատանքների գծով պրոռեկտոր, տնտեսագիտության թեկնածու Ս.Ս.Խաչատրյան)՝ գիտական խորհուրդն արձանագրում է մարզաառողջարանում կատարվել են որոշակի վերանորոգման, վերականգնողական և բարեկարգման աշխատանքներ: Ձեռք են բերվել անհրաժեշտ հիգիենայի պարագաներ, հիմնովին վերանորոգվել է խոհանոցը և ձեռք է բերվել խոհանոցային գույք (գազօջախներ), ընթացիկ նորոգման են ենթարկվել մի քանի սենյակներ, բարեկարգվել է մարզաառողջարանի արտաքին լուսավորությունը, ավելացվել է 4 նոր լուսավորության կետ, կարգի են բերվել լողասենյակների հատվածները, հիմնովին վերանորոգվել են որոշ ջրագծեր: Մշակվել են մարզական և մշակութային, ինչպես նաև տուրիստական արշավներ կազմակերպելու ծրագրեր: Մարզաառողջարանը լիովին պատրաստ է հանգստացողներին ընդունելու համար: Ուղեգրերը վաճառվում են:

Ելնելով վերոնշյալից՝ գիտական խորհուրդը **որոշում է.**

1. Ուսանողների և շրջանավարտների հետ աշխատանքների գծով պրոռեկտոր Ս.Խաչատրյանին՝
 - 1) մարզաառողջարանի գործունեության ամբողջ ընթացքում պատշաճ հսկողություն սահմանել իրականացվող աշխատանքների կատարման նկատմամբ.
 - 2) պրոֆեսորադասախոսական կազմի 10 անդամի տրամադրել անվճար ուղեգիր:

2. Մարզաառողջարանի պետ Հ.Կյոկչյանին և կառավարիչ Ա.Ալիխանյանին՝ հետևել մարզաառողջարանի ներքին կարգուկանոնին, ապահովել բնականոն համակեցության պայմաններ, կազմակերպել մարզական և մշակութային միջոցառումներ ու տուրիստական արշավներ՝ մշակված պլան-գրաֆիկներին համապատասխան:
3. Համալսարանի հաշվապահական հաշվառման բաժնի պետ Է.Ադամյանին՝ հետևել ճամբարի ֆինանսական գործունեությանը և անհրաժեշտ օգնություն ցուցաբերել մարզաառողջարանի ղեկավարությանը:
4. Ուսանողական խորհրդի նախագահ Ս.Խառատյանին՝ ուսանողության շրջանում իրականացնել հայրենասիրական և դաստիարակչական աշխատանքներ, բացառել ռեժիմի խախտումները, սահմանել հերթապահություն հանգստի ամբողջ ժամանակաշրջանի ընթացքում:
5. Սույն որոշման կատարման նկատմամբ վերահսկողությունը վերապահել ուսանողների և շրջանավարտների հետ աշխատանքների գծով պրոռեկտոր Ս.Խաչատրյանին:

Գիտական խորհրդի նախագահ

01.07.2016 թ.

Կ. Լ. Աթոյան